

Prufumu di primavera

Di schetta nun ti potti avìri ma,
pirchè èratu nica e iu granni già.
Ora ca si puru tu granni e maritata
ti vulissi avìri macàri pi nnà vasata.

Di nicaredda èratu un sciuriddu
criscisti e ti maritasti cu iddu.
Di tannu cci abbannunavu lu pinzeri,
ora m'addivigliavu e su forti disideri.

Semu amici e mi fai tanta simpatia
ora ti dicu chiddu chi sentu pi tua.
Di notti ti sonnu e di jornu ti penzu
sicuru ca mi 'sta niscennu lu senzu.

Ivu nni lu dutturi a fàrimi visitari
'un nnè malatia ma voglia d'amari.
Ti taliu e lu cori batti forti pi tua
nenti paura, è amuri, 'un nnè ritmìa.

T'abbruzzu, ti vasu, minutamenmti
chissu succedi sulu nni la me menti.
Aspettu e speru ca tuttu fussi veru
pi dàriti 'st'amuri limpidu e sinceru.

Si 'na perla, unica, luccicanti e vera
la to vuccuzza è prufumu di primavera,
cci vulissi dari cchiù di 'na vasata
pi ristari la me vucca 'mpiccicata.

Iu vulissi fari l'amuri cu tua,
ti lu dicu tramiti 'sta poesia.
Quattru e quattru fannu ottu
di tua sugnu 'nnamuratu cottu.

'Nun pozzu cchiù aspittàri,
iu e lu me cori ti vulemu amari.
Si tu vo iu sugnu sempri prisenti
pirchè nni 'sta vita 'un cci resta nenti.